

Wira dan Wirawati Bento

hasil karya
Zarina Hashim



Prakata oleh Pengerusi MLLPC



Profesor Madya Dr. Muhammad Faishal Ibrahim

*Setiausaha Parlimen Kanan
Kementerian Pendidikan dan Kementerian Pembangunan
Sosial dan Keluarga
Pengerusi, Jawatankuasa Pembelajaran dan
Penggalakan Penggunaan Bahasa Melayu (MLLPC)*

'Pelajar Aktif, Pengguna Cekap' merupakan matlamat pembelajaran Bahasa Ibunda di Singapura. Murid-murid haruslah dibekalkan dengan bahan bacaan yang kreatif untuk mendorong minat mereka terhadap pembelajaran Bahasa Ibunda. Lebih banyak bahan bacaan yang dapat mereka akses, lebih baik natijahnya.

Siri Nabil dan Nabilah telah diilhamkan pada tahun 2015 untuk murid-murid sekolah rendah khususnya bagi Darjah 1 dan 2 dengan tujuan untuk menambah jumlah bahan bacaan tempatan bahasa Melayu. Buku-buku yang dihasilkan oleh guru-guru Bahasa Melayu Singapura ini telah mendapat sambutan baik daripada kanak-kanak, ibu bapa dan juga para pendidik.

Lanjutan daripada maklum balas tersebut, Siri Nabil dan Nabilah diteruskan untuk murid-murid Darjah 3 dan 4 pula. Terdapat pembaharuan yang telah dilakukan terutama sekali daripada aspek jalan cerita dan penampilan watak-watak dalam siri tersebut agar dapat memenuhi cita rasa para pembaca yang berusia antara sembilan hingga sepuluh tahun. Selain itu, aktiviti-aktiviti susulan setelah membaca disediakan untuk membolehkan ibu bapa dan ahli keluarga terlibat sama. Aktiviti membaca bersama-sama keluarga dapat memupuk sikap-sikap positif dan berpotensi menanamkan nilai-nilai yang baik.

Guru merupakan golongan yang dekat dengan murid. Mereka mengenali minat dan citarasa murid. Oleh hal yang demikian, setiap sumbangan guru dalam penghasilan siri buku bacaan ini amat dihargai. Kepada guru-guru yang telah menyumbang dalam penulisan buku cerita ini, saya mengucapkan syabas dan ribuan terima kasih.

Besar harapan saya agar usaha ini dapat diteruskan dan lebih banyak karya dapat dihasilkan demi kemajuan dan pembangunan intelek anak-anak kita. Semoga mereka bakal menjadi pengguna bahasa ibunda yang cekap dan yakin serta berbangga akan bahasa dan budaya Melayu.

*Burung punai di pucuk rebung,
Anak kedidi terbang berempat;
Bahasa disanjung budaya dijunjung,
Majulah seni bangsa berdaulat.*

PENGHARGAAN

Para Penulis Buku Darjah 3

Zaleha Ahmad

Safidah Samsudin

Fadzilah Mohd Idris

Juliyah Yaacob

Zarina Hashim

Manisah Osman

Nazariah Nasir

Khairunnisa Mohd Isa

Haslinah Osman

Farizan Md Amin

Kaki Bola

Menang Menabung

Jangan!

Segaknya!

Wira dan Wirawati Bento

Mari Berkenalan

Tetap Berguna

Adakah Pilihan Nabilah Salah?

Jemput Makan!

Juara Cilik Wayang Kulit

Pengurusan Pembinaan Buku

Penasihat Projek

Editor

Sekretariat MLLPC

Zafilin Abdul Hamid

Zainaba Omar

Siti Fazila Ahmad

Murshidah Hassan

Nasrudin Raja Sulaiman

Nur Fa'izah Matnoor

Nur Sifa Hussin

Mislimah Misti

Wira dan Wirawati Bento

hasil karya
Zarina Hashim



BOLA!



Nabil dan Nabilah sedang membaca buku bersama-sama. Buku itu baru dibeli oleh mereka. Buku itu mengisahkan seorang wira dan wirawati yang menghadapi masalah melawan raksasa yang menyerang negara mereka.

BOLA!

Semasa membaca, Nabil dan Nabilah mula terasa mengantuk. Beberapa minit kemudian, mereka terlelap.





Tiba-tiba, pancaran cahaya menerangi bilik Nabil dan Nabilah. Nabil dan Nabilah tersentak daripada tidur.

Seorang lelaki dan seorang wanita yang berpakaian aneh tercampak ke atas katil Nabil. Mereka kelihatan lemah.



Siapakah awak?

Saya Wirawati Bento dan dia Wira Bento. Tolonglah kami. Kami berasa amat lemah. Kami tidak dapat mengalahkan raksasa yang jahat itu. Kami perlu makan supaya bertenaga semula.

- telur: 1
- susu: 1
- roti: 2
- Keju: <

Nabil dan Nabilah membawa Wira Bento dan Wirawati Bento ke dapur untuk bersarapan. Wira Bento dan Wirawati Bento meminta snek.

Kami jarang bersarapan. Kami hanya makan snek.

Kami minum susu. Susu mengandungi zat protein.

Kami juga makan bijirin atau roti yang disapu mentega kurang lemak. Selepas bersarapan kami bertenaga sepanjang hari.

Kalau begitu, kami juga mahu bersarapan macam awak berdua.

Selepas bersarapan, Nabil dan Nabilah mengajak Wira Bento dan Wirawati Bento berlari-lari anak di taman. Sang mentari memancarkan sinarnya dengan terik sekali. Mereka terasa haus. Nabil mengajak mereka untuk membeli minuman.

Saya berasa dahaga.

Boleh kita minum?

Semasa di kedai runcit, Wira Bento mencapai sebotol air bergas. Nabil pula mengambil sebotol air galian.

Saya mahu air ini. Minuman ini manis dan sedap rasanya.

Air bergas memang sedap rasanya. Namun, minuman ini mengandungi terlalu banyak gula.

Wira Bento pun meletakkan semula air bergas. Dia mengambil air galian.

Kemudian, mereka ke sudut senaman. Nabilah menunjukkan beberapa jenis senaman yang boleh dilakukan oleh Wirawati Bento agar badannya sihat.

Jika badan kita cergas,
otak kita akan cerdas.



Setelah bersenam, mereka pun pulang ke rumah. Menjelang tengah hari, perut mereka mula berkeroncong. Nabil dan Nabilah mengajak Wira Bento dan Wirawati Bento ke dapur. Tanpa berlengah-lengah lagi, mereka pun melangkah ke dapur.

Wah, sedapnya hidangan tengah hari ini!

Awak berdua bertuah kerana hari ini ada makanan istimewa untuk awak.



Nabil menghadirkan Wira Bento hidangan yang mengandung nasi, lauk ikan, sayur-sayuran dan sepotong buah semangka. Namun, dahi Nabil berkerut apabila melihat Wira Bento berhenti makan.

Mengapakah awak tidak habiskan makanan awak?


Saya tidak suka makan sayur dan buah-buahan.

Sayur-sayuran dan buah-buahan mengandungi zat vitamin, zat besi dan serat. Zat-zat ini penting supaya kita tidak mudah jatuh sakit.

Wira Bento tersipu-sipu apabila mendengar kata-kata Nabil. Dia pun menghabiskan makanannya dengan tertib.

Barulah saya tahu pentingnya makan makanan yang berkhasiat. Oleh sebab itulah, awak nampak cergas selalu, Nabil.



An illustration of a woman and a young girl sitting at a yellow table. The woman, on the left, has long black hair and is wearing a yellow headband, a red choker, and a brown long-sleeved top with a yellow sash. She is smiling and looking at the girl. The girl, on the right, has short black hair and is wearing a red short-sleeved shirt and a purple skirt. She is holding a white plate with a sandwich and some sliced fruit. In the background, there is a window with pink curtains showing a green landscape and a blue sky. A speech bubble is positioned above the girl, containing text.

Ambillah pinggan ini.
Awak harus makan makanan
yang seimbang setiap hari
supaya tubuh awak kuat untuk
menentang raksasa.


Wirawati Bento mengucapkan terima kasih kepada Nabilah kerana mengajarnya cara-cara makan makanan seimbang dan gaya hidup sihat.



Tiba-tiba, suasana menjadi gelap-gelita. Nabil dan Nabillah terdengar suara raksasa. Raksasa itu mahu menangkap mereka.

Wira Bento dan Wirawati Bento menepis raksasa dengan segera. Raksasa terjatuh. Raksasa bangun dan mencoba lagi. Wira Bento menyerang dan menolak raksasa. Raksasa terjatuh dan tidak bangun lagi.





Nabil dan Nabilah terbangun daripada tidur. Peluh membasahi dahi mereka.


Wira Bento! Wirawati Bento!
Di manakah awak?

Adakah saya bermimpi?

Lihat piring ini, Nabilah!





Nabil dan Nabilah mencapai buku cerita yang telah dibaca oleh mereka tadi. Mereka mahu tahu cerita selanjutnya. Pada akhir cerita, Wira Bento dan Wirawati Bento berjaya mengalahkan raksasa. Mereka menutup buku cerita itu sambil tersenyum.



Syabas,
Wira Bento dan
Wirawati Bento!

Glosari

Perkataan	Maksud
tersentak (hlm. 4)	terkejut
memancarkan (hlm. 8)	mengeluarkan sinar
tersipu-sipu (hlm. 13)	malu
tertib (hlm. 13)	teratur
seimbang (hlm. 14)	sesuai (jenis makanan)
raksasa (hlm. 15)	gergasi; makhluk yang sangat besar





Aktiviti Bersama Keluarga

Nama Aktiviti: Piring Sihat


Senaraikan makanan sihat bagi sarapan, makan tengah hari dan makan malam. Gunakan templat yang diberikan untuk menulis jawapan kamu.



Sarapan

makan tengah hari

makan malam



Coretan Bebas



© 2018 Kementerian Pendidikan Singapura

Hak cipta terpelihara. Tidak dibenarkan mengeluarkan ulang, menyimpan atau menerbitkan semula mana-mana bahagian isi kandungan buku ini dalam apa jua bentuk sama ada secara elektronik, fotokopi, rakaman atau cara lain sebelum mendapat izin bertulis daripada pemilik hak cipta buku ini.

Diterbitkan oleh



Ministry of Education
SINGAPORE



Malay Language Learning
and Promotion Committee

**Kementerian Pendidikan Singapura
dan
Jawatankuasa Pembelajaran dan Penggalakan
Penggunaan Bahasa Melayu**

Illustration and Design by Thoughts Creations
Email: sales@thoughts.com.sg

First published 2018

All rights reserved. No part of this publication may be produced, stored in a retrieval system or transmitted, in any form or by any means, electronic, mechanical, photocopying, recording or otherwise, without prior permission of the copyright owner.

WIRA DAN WIRAWATI BENTO
ISBN 978-981-11-6403-3

Printed in Singapore

